

## Biografía di Robert Hubert Jeand'or (Obi)

Robert Hubert Jeand'or a nace dia 10 di mei 1954 na Madiki, un bario hopi humilde. E la lanta cu e muchanan di bario. Nan a lanta den un bario masha bunita mes, manera e ta bisa, core pia bou den bario y hunga softball cu bala di mea. Esey tabata nan infancia, asina nan a cuminsa y nan tabata hunga cu rumannan. Number di su mayornan (d.f.m.): Francisco Reinier Jeand'or y Cecilia Jeand'or Bermudez. Nan ta 11 ruman e tempo ey, nan tabatin dos ruman a muri, pero ki bunita nos t'asina tanto ruman, nan tawata hunga hunto tur atardi, pasobra bo ta lanta chikito y e ta corda cla, cla ora e tabatin 4 año, 5 año, 6 año caminda e tabata biba, con nan a lanta hunto, humilde drumi abou. Su number di cariño ta Obi, su mama tabata yame asina na cas. Ora e bida musical a cuminsa for di chikito cu su tata na cas, e number no a cambia. Danki na su tata e la siña hopi di musica for di chikito caba. E ta un homber cu tabata toca un guitarra, super bon, anto el a pinta riba e prik board e diapason di e guitarra. E tabata skirbi den tur tonada, por ehempel, E, Fkruis, G, G kruis (G sostenido). E tabata pone por ehempel e signo di mol, pues e tabata adelanta caba. Robert su tata cu Julian Coco tabata toca hunto. Dia Julian Coco a bin Aruba nan a haci un entrevista largo cu ne y nan a invita e pueblo pa bay. Tres ruman di nan, Frank defunto, e kier sa Karel tambe, Persy y Robert a bay cerca dje. Un gran amigo di nantata, Francisco Jeand'or. Robert ta casa cu Vivian Geerman, nan tin un yiu homber cu yama Robert Reinier. E ta haci año dia 20 di october y Vivian dia 17 di december. E tin un yiu muhe prome cu e la casa. E yama Anouschka y e ta e prome *Reina di tumba*, den historia di tumba na Aruba.



### Segun Robert e bida Artistico a cambia hopi cos

**Camaron  
que se  
duerme se  
lo lleva la  
coriente**

E nificacion den e bida Artistico a cambia hopi cos, pasobra bo mester cambia hopi cos den bo bida e bida y' afo ta; *camaron que se duerme se lo lleva la coriente* (Esun cu drumi ta perde su trabou.) Anto bo ta competi cu miles

y miles y pasobra bo mester ta bon y bo tin di traha duro, e ta stimula bo. E areglo musical cu e ta haci na Santo Domingo ta mucho mas miho loke e ta haci na Aruba. Pesey e n' a cambia mi estilo.

**Esun cu  
drumi ta  
perde su  
trabou**

### Preparacion di su Voz

Sr. Rufo Odor a cuminsa duna Robert les di cantamento. Danki Dios e ta canta awendia y cu e bos t'ey keto bay, danki na Rufo Odor. Riba diasabra asina, e tabata bay tambe cerca Sr. Eddy Benett (d.f.m.) p'e mustre e akkoordnan di piano, pasobra e tabatin semper gana di aregla musica y asina ey e la cuminsa poco poco cu e musica y e baho tambe.

## E Bida ArtisticoMusical

Robert su trayectoria musical naturalmente a cuminsa na cas na unda e la mira tanto cantante tabata bini na Madiki. Nan tabata biba unda Las Galeñas ta keda awendia, e mesun caminda bay noord, ey nan tabata biba. E la nace na cas di e famianan Kemp. E dia cu e la cumpli 60 año, e la bay caminda nan tabata biba. E ta corda tempo cu su ruman Frank a bay toca den e barak di Tanki Leendert y el a bin busce pa nan toca un aquinaldo. Ey ta unda sucarera musical a cuminsa, den barak hunto cu 'Las blancas palomitas'. P'esey semper e la keda cu un aprecio grandi pa Chinan Luidens (d.f.m.), fundador di e grupo ey y ta ey su bida como

musico a cuminsa. E tabata toca cuarta so, despues di un paar di año e la canta un cancion 'El batayon' di Venezuela. Asina nan a lanta y e t'esun memey di tur, cu a keda cu e profesion di musico, te dia di awe. E instrument cu e la dedica mas tempo na dje ta e baho. E storia con e la cuminsa toca baho, tabata masha straño mes. Robert ta corda cu nan a bay toca na Cer'i Noka. Johnny Oduber cu tawata traha na imigracion tabata toca baho pa 'Los Juveniles' tambe prome cu Robert, anto e no por a toca e dia ey. Vicente Kelly di cu nan mester cuminsa toca. E ta corda tabatin awasero fuerte. Awor e

nan a fia un baho. E suerte di Robert ta, cu e tabata chikito, 9 pa 10 año bieu. Vicente a duna Robert e akkoord di e cantica riba e acordeon, anto e la fula aki aya wel e la compañía e show cu baho. Nunca di su bida e la toca baho y asina e la toca ful e show di 'Las blancas palomitas' manera nada un pasa. Ey e amor p'e baho a bin y e la keda toca e baho te dia di awe. Vito Oduber (d.f.m.), a bin busce despues pa toca baho cu Los Juveniles. Robert a bira bahista di Los Juveniles, pero den bario tambe semper nan a keda toca.



**E storia con e la cuminsa toca baho, tabata masha straño mes. Robert ta corda cu nan a bay toca na Cer'i Noka.**

## Dedicacion na Musica

**Aki ta unda Robert su carera muscal a cuminsa, den barak hunto cu Las Blancas Palomitas**

Robert a dedica mas tempo na e baho, ora e la cuminsa studia na Aruba mes tambe apart di e scol, e la busca e bukinan di musica. E la cumpra e bukinan na *La Bonanza*. Robert a bay mas leu, e la studia baho mas leu na Republica Dominicana y tambe e canto un tiki mas. Si tabatin 15 musico ta grabando, e tabata e unico stranhero memey di nan y e tabata graba di mainta te atardi. Nan ta yame y e ta bula bay Puerto Rico graba bin bek. Robert a haci dos areglo pa Tommy Olivencia, net riba su longplay 25 aniversario. E ta considera esaki importante, algo historico pe.

## E Parti Internacional

E bida Internacional a hiba Robert leu di e prome cancion cu e ta graba Internacional 'El viento', composicion di Joy Nicolaas, areglo di Johnny Fernandes. Cu Los Hijos Del Rey, e la graba e prome cu ta bira Internacional cu ta 'Yo me Dominicaniso' di Tite Cured Alonso, compositor mas grandi di salsa di Caribe of na

mundo anto Tite Cured Alonso, homber cu ta compone pa Cheo Feliciano, Fania All Stars, Celia Cruz y Pacheco. Robert a toca den Madison Square Garden. A toca tambe Ponsenia, pa laga e corda un di e dianan mas, pasobra e la toca 16 pa 17 biaha den Madison Square Garden.

## Grabacion

Di grabacion Robert n' ta corda cuanto disco compacto 'Solo banda show' tin, pero nan tin basta.

## Sugerencia

**Robert Su Sugerencia ta pa e musiconan studia musica**

Robert su sugerencia ta pa e musiconan studia musica, no laga e machin goberna nan, e tecnologia tey awendia e sa di dje, mi n' ta criticanan, pero si e kier pa sostene musica, pasobra si bo wak no tin mas trompetista, ni trombonista, ni saxofonista na Aruba, nan ta hopi limita. E ta kere nos mester percura pa e mucha jongnan siña. Ban sigui bay padilanti, prepara boso mes no drumi, pasobra mañan esun cu ta bin, porta ta tuma over anto nos mes rubiano ta keda un banda, no acepta esey. No ta importa unda bo studia musica basta bo studia bon.

**Robert kier pa sostene musica, pasobra si bo wak no tin mas trompetista, ni trombonista, ni saxofonista na Aruba, nan ta hopi.**